



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Martino Priori & fratribus Camaldulen.

**urn:nbn:de:hbz:466:1-20006**

## 340 Epistolarum Innocentij III.

*ILLVSTRI MIRAMOLINO  
Regi Marrochetan. & subditis ejus, ad  
veritatis notitiam pervenire, ac in ea  
salubriter permanere.*

*Epiſt. 9.  
Significatur inſtitutio facta  
super redemp-  
tione capi-  
vorum paganorū  
à Christianis &  
Christianorū  
& paganis.*

**I**ntra opera misericordiae quae Iesu Christus Dominus noster fidelibus suis in Evangelio commendavit, non minimum locum obtinet redemptio captivorum. Vnde personis illis, quae circa talia occupantur, favorem debemus apostolicum impetrare. Sancti viri quidam, de quorum existunt numero praesentium portatores, nuper divinitus inflammati, regulam & ordinem invenerunt, per cuius instituta tertiam partem proventuum omnium, quos vel nunc habent, vel in futurum poterunt obtinere, in redemptionem debent expendere captivorum; & ut melius valeant suum propositum adimplere, cum saepe facilius per commutationem quam per redemptionem de captivitatis ergastulo valeant liberari, ut paganos captivos à Christians redimant est concessum, quos pro liberandis Christians debeant commutare. Ceterum quoniam opera quae premissimus & Christians expedient & paganis, hujusmodi vobis duximus per apost. literas intimanda. Inspiret autem vobis ille qui via, veritas est, & vita, ut agnita veritate, quae Christus est, ad eam venire quantocuyus festinetis. Datum Laterani VIII. Idus Martij, Pont. nostri anno II.

### CAPITVL O XANTONEN.

*Epiſt. 10.  
Confirmatur  
constitutio de  
quadragenario  
numero Cano-  
nicorum.*

**C**onstitutionibus quae in Ecclesiis factae, canonicis non obviant institutionis, cum ab apostolica sede sua robur confirmationis expectant, favorem apostolicum libentiis impetrantur; ut ea quae pro ipsarum utilitatibus ordinantur, inconclusa maneant firmitate, & quae stabilita ratio comitatur, aliquorum temeritas non infirmet. Eapropter, dilecti in Domino filij, vestris justis postulationibus grato concurrentes assensu, institutionem quam de quadragenario Canonicorum numero cum assensu venerab. fratris nostri Episcopi vestri, consentiente & assistente bona memoria W. Archiepiscopo Burdigalensi, & pia recordationis Henrico quondam Alba-nensi Episcopo tunc apostolicæ sedis Legato approbante idipsum, in Ecclesia vestra fecistis, sicut rationabiliter facta

est, auctoritate apostolica confirmamus, & praesentis scripti pagina communimus, auctoritate apostolica districtus inhibentes ne aliquis ad receptionem aliquis ultra numerum constitutum quilibet vos temeritate, salvo in omnibus apostolicae sedis mandato, compellat, nisi forte Ecclesia facultates in tantum excreverint, quod earum proventus pluribus sufficere dignoscantur. Decernimus ergo &c. nostræ confirmationis &c. Datum Laterani VI. Kal. Aprilis, pontificatus nostri anno secundo.

### PICTAVEN. EPISCOPO.

**P**roposita nobis dilectorum filiorum Abbatis & Conventus sancti Rifi querimonia demonstravit quod A. Iordanii eorum Canonicus habitu regularium Canonicorum rejecto, sine Abbatis sui licentia in monasterio Malleacen. suscepit ordinem & regulam monachorum. Cum igitur juxta canonicas sanctiones religiosi Canonici non credantur à consortio sanctorum monachorum sejuncti, fraternitati tuae per apostolica scripta mandamus quatenus si tibi constiterit de premissis, jamdictum Canonicum ad Ecclesiam redire priorem, monitione premissa, per censuram ecclesiasticam appellatione remota compellas; ubi & memoriale cucullam eum deferre facias, & ultimum in choro manere; ut exemplo ejus alij similia non attentent. Datum Laterani XIII. Kalend. Aprilis, pontificatus nostri anno secundo.

### MARTINO PRIORI & fratribus Camaldulen.

**P**ostulastis nuper à bonis ut heremo Camaldulenfi & Ecclesiis aliis ad ipsam spectantibus super decimis & possessionibus, quas per annos XL. pacifice possederunt, paterna vellemus in posterum solitudine providere, quatenus nullius temeritas possit possessionem eorum quae premissus impediens. Nos igitur volentes justis petitionibus vestris favorem apostolicum impetrare, districtus auctoritate praesentium inhibemus, ne vos vel Ecclesias vestras super illis quae bona fide per annos XL. continuè possedistis, aliquis presumat de cetero molestare. Nulli ergo &c. nostræ prohibitionis &c. Datum Laterani VI. Idus Martij, pontificatus nostri anno secundo.

*Epiſt. 11.  
Ne monachis  
licet sine Ab-  
batis licentia in  
alium ordinem  
transire.*

*Epiſt. 12.  
Quadraginta  
annorum po-  
tissimum valens.*